



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theses Theologicae De Homicidio

Huygens, Gommarus

Lovanii, [1684?]

Conclusio Tertia. Dictarum Propositionum doctrina manifestè repugnat
præcipuis Evangelii regulis, & Spiritui Christi.

urn:nbn:de:bvb:12-bsb10951915-6

Licitum est tam Haredi quām Legatario contrā iustū impedientem ne vel hereditas adeatur , vel legata solvantur , se taliter defendere ; sicut & jus habenti in Cathedram , vel probendam contrā eorum possessionem iustū impedientem . Omnes istae Propositiones secundūm anterius rem Conclusionem falsæ sunt ; quia illī ostensum est illicē occidi hominem , nisi occidatur secundūm exceptions , quas Divina auctoritas , sive data lege generali , sive iustione speciali fecit ab indefinito ac universali hoc mandato , non occides : & nisi insuper excludatur finis malus , & caveatur ordo perversus . Quod primum horum , id est , exceptions concernit , incubit istarum propositionum Authoribus ostendere , ubi Divina authoritas à generali mandato non occides , exceperit occisionem hominis nitentis calumniam inferre , impingentis alapam , vel fuste percutientis : & similiter , ubi eadem authoritas exceperit occisionem hominis auferentis unum aureum . Par obligatio illis incumbit circā homicidia , quae Propositio 32 & 33 velut licita defendunt . Jam verò certissimum est , quod neque lege generali , neque iustione speciali Deus ejusmodi exceptions fecerit circā præceptum , non occides : Nullibi enim in Scriptura sacra , aut tradizione Divinā talium exceptionum sit mentio . Quod ad secundum attinet , omnino necessum est , hīc intervenire defectum circā finem talium homicidiorum : etenim (ut nihil dicam de fine vanitatis , honoris mundani , avaritiae , ambitionis , aut alterius finis mali) semper in his contingit inverti ordinem amoris circā finem . Siquidem juxta primam dictarum propositionum vita hominis , quin & salus ejus æterna postponitur vanissimo isti honori , qui captatur ex occisione hominis nitentis inferre calumniam , impingentis alapam , &c . Juxta secundam , postponitur uni aureo : conformiter loquendum de tertia , & quarta . In his omnibus clarum est , amoris ordinem perverteri ; quandoquidem quis eligat vitam hominis , & salutem ejus æternam perdere , ut sibi servet antē enumerata , quae omnium judicio virā hominis & potissimum salute ejus æternā sunt incomparabiliter inferiora . Hec vide latius ducta in Conclusione 3 . Thesum , quas defendimus die 27 . Januarii 1684 .

CONCLUSIO TERTIA.

Dictarum Propositionum doctrina manifestè repugnat præcipuis Evangelii regulis ,
& Spiritui Christi .

Quotquot Christiani sumus , una cum Diabolo pompsique & operibus ejus , Mundi regulis & spiritui ipsius renuntiavimus : & ex adverso Evangelium Christi , & spiritum ejus in ipso Religionis Christianæ susceptione professi sumus . Jam verò non magis directè lumen tenebris , quām Regulae Evangelii propositionibus istis , & Spiritus Christi genio illarum opponitur . Ut ex hoc parallelo manifestum est .

EVANGELIUM .

Si quis te percussit in dextram calumniam inferre , si aliter hec ignominia vitari nequit : maxillam , præbe illi & alteram . Matth . 5 .

Diliges proximum tuum sicut te ipsum . Quousque hæc dilectio se extendere debeat explicat S . Joan .

PROPOSITIO XXX .

PROPOSITIO XXXI .

Regulariter occidere possum furem pro conservatione .

Nos debemus pro fratribus animas unius aurei .

A 2

Qui

PROPOSITIO XXXII.

Qui vult tecum judicio conten- } Non solum licitum est defendere defensione occisivâ quæ
dere; & tunicam tollere, dimitte } actu possidemus; sed etiam ad quæ jus inchoatum habemus,
ei & pallium. } & quæ nos possessuros speramus. Ejusdem Farinæ est 33.

Erunt fortè, qui dum corticem dictarum regularum aspiciunt, persuadere nobis volent, quod verba Christi de præbendâ alterâ maxillâ, & dimittendo pallio, non ut præceptum, sed solummodo veluti consilium accipienda sint: quibus respondendum, esse vera præcepta, quæ etiâ non semper in facto, tamen in præparatione cordis servanda sint: nam præceptum generale quo proximum, & speciale quo Matt. 5. jubemur diligere inimicos, & benefacere his qui oderunt nos, obligant ut quilibet sic animo præparatus sit & compositus; ut dum in maxilla percutitur, aut tunica ejus tollitur, non solum nullam vindictam expectat, sed ut etiam in alterâ maxillâ percuti paratus sit & pallium dimittere, si proximi tamquam infirmi salvi, ita postulet. Ista præcepta docet Augustinus Epist. 5. ad Marcellinum, magis ad præparationem cordis, quæ intus est pertinere, quam ad opus quod in aperto fit; ut teneatur in secreto animi patientia cum benevolentia, in manifesto autem id fiat, quod eis videatur prodeesse posse, quibus bene velle debemus.

Regulis Evangelii consonat Spiritus Christi, de quo 1. Pet. 2. Cum malediceretur, non maledicebat, cum pateretur non comminabatur, tradebat autem judicanti se iniquè. Hunc Spiritum à Christiano quolibet exigit ipse Christus, dura se Viam vocat; ut se sequamur, jubet; & specialiter à se disci vult quia misericordia est, & humilis corde. Ex his perspicuum est; dictas Propositiones non minus directè opponi Spiritui Christi, quam illius Evangelii Regulis repugnare ostensum est. Atque hinc facile conjicimus quæ causa sit, quod laxitatum Patroni in tot eascum, ut vocant, resolutionibus, nullius rei minus quam dictarum Regularium Evangelii, aut Spiritus Christi mentionem faciant. Quippe si aut Regulas illas protulissent, aut Spiritum Christi vel leviter insinuassent, velut ad Solem tenebræ, ita perniciose illæ & scandalosæ laxitates fugissent. Quid ergo, Evangelium non legerunt? Legisse credimus. Cur igitur Evangelio sententias suas non accommodarunt? Quia præformata opinione ac fententiâ ex ratiunculis quibusdam (de quibus postea) & ex sui instituti Casuisticis & Scholasticis, ex hodierna prava vivendi consuetudine, & propensione naturæ corruptæ, aut ex aliis ejusmodi præjudiciis dictas Regulas Evangelii legerunt, non tam animo ex illis discendi, quid de occidente hominis sentire deberent, quam intentione regulas ipsas ad præconceptas à se sententias torquendi. Nec tamen solent ejusmodi Authores Evangelii Regulas pro suis istis fententiis in scriptis, aut libris adferre, veriti procul dubio ne qui illa legunt, secùs quam ipsi vel hinc sentire discenter. Similem ob rationem iudicem illi laxitatum Patroni Scripturæ Sacrae ac SS. Patrum, & potissimum Augustini lectionem non multum suadere, immo dissuadere potius solent, donec tam adversus hos, quam adversus illam invictos, vel pertinaces potius fecerit laxitorum quorumdam Theologorum per annos aliquot continuata lectio. Quid verò in hisce laxitatibus cum aliqua specie dici potuisse de Spiritu Christi? Huic enī nō commune cum occidente hominis proslapa, pro aureo, pro obtainenda Cathedra. Et ut de Cathedra sic obtenta aliquid dicamus, quam bellè qui ad hanc per homicidium pervenisser, docuissest antedictas Evangelii regulas! Quomodo ille à Spiritu Christi alienissimus, cum sancto Paulo prædicasset hunc Scripturæ locum: *qui spiritum Christi non habet hic non est ejus*? Quod hunc locum attinet, quam lubenter mentionem ejus faciunt laxitatum impugnatores, tam illibenter illum audiunt earum Patroni, nec mirum; hic namque unus sufficit ad eliminandum, non solum antedictas laxitates de homicidio, sed etiam ad extirpandum laxitates cæteras in quavis alia materia Theologie Moralis. Omnis namque laxitas est secundum corruptionem naturæ;

id

id est , faver concupiscentiis à peccato acceptis , & ad peccandum inclinantibus ; ubi ex adverso spiritus Christi & ejus vivendi modus corruptioni sive concupiscentiis directissimè contrariantur . Nam tormentis à se suscepis docuit Christus vincere concupiscentiam carnis , sicut suā paupertate docuit qualiter superanda concupiscentia oculorum , & denique suā humilitate modum tradidit debellandi superbiam vitæ . Tria hæc , scilicet tormenta , paupertatem , & humilitatem complexa fuit Crux , in cuius amplexu & bajulatione Christianos prævirit Christus ut ejus exemplum sequantur quotidiè . A Christo namque dictum est : *qui vult venire post me , abneget semetipsum , & tollat crucem suam quotidie , & sequatur me* ; ut hinc intelligamus , quod in ferenda quotidie cruce ad imitationem Christi consistat præcipuum munus Christiani ; ita ut summa vitæ , ac proinde etiam doctrinæ Christianæ debeat esse Christus crucifixus : quibus conforme est illud sancti Pauli : *Non judicavi me scire aliquid inter vos nisi Iesum Christum , & hunc Crucifixum* . 1. Corint. 12. ergo præcipuum Paulinæ , id est , Christianæ Theologie principium est , Christus crucifixus sive Spiritus Christi oppositus cupiditatibus & corruptioni naturæ , adeoque directissimè contrarius principiis Theologiae laxioris , quorum unicus scopus est , favere cupiditatibus ac corruptioni naturæ , & eum in finem Dei precepta inflectere , mutilare , ac tollere , donec in illis aut nihil , aut parum molestia superfit respectu naturæ corruptæ ; uti clarum est in dictis quatuor Propositionibus de homicidio .

C O N C L U S I O Q U A R T A .

Horrenda Corollaria deducuntur ex ante allegatis Propositionibus de Homicidio.

EX quatuor ante assignatis Propositionibus de homicidio sequitur 1. Quod cuilibet homini competat potestas judicandi , condemnandi , & exequendi in causa sanguinis . Nemo enim in dictis Propositionibus excipitur , ut ei non lieeat hominem occidere propter calumniam vel alapam , aut ob invasionem bonorum , ad que occisor jus habet , vel qua se possessum sperat . Si cuilibet competit illa potestas , igitur etiam competit privato , quantumvis hebeti & injusto , adeoque ad id muneris ineptissimo , & quidem ob alapam quam nulla Respublica censuit extremo supplicio puniendam .

2. Infertur , quod quilibet habeat potestatem judicandi , condemnandi , & sententiam exequendi in causa sanguinis , et si nullus extiterit accusator , & testis nullus præter solum illum vindicem . Nam Propositiones nil ejusmodi requirunt . Quid hoc corollario horribilius ?

3. Sequitur , quod cuilibet detur potestas in casibus qui in Propositionibus exprimuntur , in propria sua causa judicandi , & adversam suam partem condemnandi ad mortem . Quis hic non videat manifestam impietatem ?

4. Propositiones illæ inclinant , ut sententia mortis in Adversarium statuatur , & executioni mandetur illo tempore , quod egregius ille judex ad hac est maximè indispositus , id est , dum calumniam perpessus , alapā aut fuste percussus passione fervet & furit adversus eum quem censet interficiendum . Quid magis brutum ?

5. Propositiones istæ Reo ad mortem condemnando nullam permittunt facultatem , ut super incompetencia Judicis , quantumvis inepti , iniqui , imo & inimici excipere valeat ; nullus Reo conceditur defensionis modus , nam inauditus , inscius , & nil tale suspicatus , ad mortem condemnatur & re ipsa occiditur . Ubi Leges ? Ubi Canones ? Ubi Ratio ?

6. Non conceditur morituro vel momentum temporis , ut de rebus suis , nequidem iis quæ animam , & æternitatem concernunt , disponere , imo vel cogitare possit . Quomodo haec consistunt cum Fide Christiana ?

7. Sanguinario illo tribunal nemo eximitur , nihil adversus illum valet immunitas Ecclesiastica , nihil suprema potestas : quia in Propositionibus nulli omnino excipiuntur , modo calumniam occisoris inferre nitantur , aut bona qua ille possessum sperat , invadant , vel occidant , quo-